


EXITOSO WORKSHOP Y PRESENTACION DI POPPENKAST



ORANJESTAD(AAN) -- Jacobus Wieman conoci pa obranan di poppenkast, siman pasa a tene un workshop exitoso na Aruba.

Como 16 persona adulto a atende e workshop y nan a keda masha encanta cu e curso y a expresa e deseo pa bin cu un follow-up.

Durante un anochi informativo, Jacobus Wieman a tene un charla cu a ser bon atendi pa interesadonan.

Durante e mesun siman aki a ser teni tres presentacion pa nos hubentud, cada presentacion tabata conta cu un asistencia di 100 hoben.

Pa falta di espacio no por a permiti mas mirones. Tabata tin tambe un presentacion special pa nos muchanan handicap. Biblioteca Nacional a keda masha impresionada cu e exito cu e bishita di Jacobus Wieman a causa pa medio di su poppenkast.